

保嬰撮要卷之四

贈太醫院院使薛鎧編輯  
前太醫院院使男薛已治驗

風熱風症

中風之症西北方有之東南氣溫腠理踈泄  
人患之者皆類中風也况小兒元氣未充皮  
毛不固易虛易實外邪乘之則壯熱抽掣氣  
粗涎涌甚至昏憤口噤即似中風悞以續命



等湯投之多至不救大人且無真中况小兒乎凡有前症當辯其因若陽明經氣虛風邪所乘筋脉拘急者為外因足厥陰肝火熾盛筋脉偏急者為內因脾肺虛弱腠理不密外邪乘入或驚風過服金石之劑耗損肝血或吐瀉後內亡津液不能養肝致口眼喎斜者皆肝血不足肝火生風之類中風之類症也

治驗方藥

散見各症

### 瘧症

發瘧之症因傷風汗出悞發汗或濕症汗多所致若項背強直腰背反張搖頭掣癱噤口不語發熱腹痛病在足太陽也若面目赤色無汗惡寒牙關緊急肢體反張痰涎壅盛昏憤煩渴小便赤澁先譫語而發者名剛瘧當發汗若大便滑泄不語不渴有汗而不惡寒先手足厥冷而發者名柔瘧並以小續命湯



加減主之剛瘕去附子用麻黃柔瘕用附子  
去麻黃若壯熱譫語口乾手足微寒大便滑  
泄此兼剛柔無汗用葛根湯有汗用桂枝加  
葛根湯若痰塞氣盛用南星半夏茯苓以消  
痰枳實陳皮紫蘇以順氣更審其熱輕者用  
敗毒散熱盛者用小柴胡湯壯熱有汗胸滿  
口噤咬牙便閉為內熱以大承氣湯下之後  
用大柴胡湯解之過三日則難治此皆治六

淫外傷元氣形病俱實之法也若小兒多因  
驚駭停食或乳母六淫七情飲食起居失宜  
所致更當審之兼治其母大要因驚目直呵  
欠項強煩悶屬肝經實熱用抑肝散咬牙呵  
欠手尋衣領屬肝經虛熱用地黃丸若肺金  
不能平木用異功散脾不能養肝用六君子  
湯水不能生木用地黃丸

治驗



一 小兒感冒發熱咳嗽咬牙余以為脾肺氣虛不信乃用解散之藥果項強口噤汗出不止手足並冷遂用五味異功散加柴胡木香治之漸愈但日晡微熱睡而露睛用補中益氣湯而痊

一 小兒因驚發熱誤行表散出汗面白日晡發瘳先兄謂脾肺氣虛而肝膽邪盛以六君子加柴胡升麻治之乃發於寅卯時

此肝邪自旺也用加味逍遙散一劑其熱頓退又用補中益氣湯六味地黃丸而愈  
一 小兒患瘳瘳潰而發瘳煩悶咬牙寒熱此屬肝經風熱先用柴胡梔子散一劑寒熱頓止次用四物參芪白朮柴胡漸止又用補中益氣湯加芍藥茯苓而痊  
一 小兒頭患瘳潰而發瘳或寒熱作渴或手足厥冷其脉洪大浮緩按之皆微細此



元氣虛而邪氣實也用十全大補湯加柴  
胡山梔數劑諸症漸退而脈漸斂又十餘  
劑而愈

一小兒驚風服抱龍丸保生錠吐涎甚多  
又汗出發瘧仍欲祛痰余曰此肝脾血虛  
而内生風耳吐痰不止脾肺氣虛不能攝  
涎也汗出發瘧脾肺氣虛而亡陽也用六  
君子湯加炮薑木香頓愈又用四君子加

歸芪而安

一小兒傷風發熱服解散之藥汗出不止  
瘧症悉具其脈洪大鼓指按之微細此汗  
多亡陽脾肺氣虛之症也用異功散加芎  
歸黃芪其汗頓止又用補中益氣湯而瘧  
一小兒停食腹痛發熱嘔吐服峻厲之劑  
更吐瀉汗多手足並冷發瘧不止其脈浮  
洪按之如絲用六君子湯加升麻炮薑瘧



痙頓已惟寒熱往來又用四君升麻柴胡而愈

少叅王陽湖孫女年八歲發痙服降火消導之劑其脉浮洪寒熱如瘧余用四君子加升麻柴胡炮薑鈞藤鈞及補中益氣湯間服漸愈但脇下作痛去炮薑加木香肉桂而痊

一小兒因乳母大怒發熱脇痛亦患前症

兼汗出作嘔先用小柴胡湯一劑子母俱服頓愈但日晡潮熱以異功散加升麻柴胡治之並愈

一小兒因乳母發熱吐瀉一小兒因乳母食厥昏憤同患前症各治其母而子悉愈桂枝加乾葛湯治頭疼項背強几几汗出惡風者

桂枝

芍藥

甘草



葛根

錢四

右每服二錢薑棗水煎

小柴胡湯治身熱惡寒風頸項強直急胸脇  
滿痛嘔噦煩渴寒熱往來或身面皆黃小  
便不利大便秘澁或驚過不解潮熱不除  
及瘥後勞復發熱疼痛如瘡發作有時方見

肝臟

加味小柴胡湯

即小柴胡加  
山梔牡丹皮

保生錠子治慢驚尚有陽症

全蝎

白附子炮

殭蠶

牛膽南星

蟬脫

琥珀

辰砂

各錢

麝香

五分

防風

一錢

右為末糊搜和捏成錠子金銀薄為衣用  
薄荷湯磨服

大柴胡湯治表裏熱大便秘澁胸滿脇痛

柴胡

枳實

各二兩  
二錢

半夏

一兩  
五錢



赤芍藥

一兩八錢

黃芩

二兩

大黃

三兩七分五錢

右生薑紅棗煎不拘時服

小續命湯

方見五硬

抑肝散

方見肝臟

地黃丸

方見腎臟

敗毒散

方見發熱

六君子湯

五味異功散

二方見內鈞

補中益氣湯

方見虛羸

加味道遙散

方見內鈞

柴胡梔子散

方見發熱

四物湯

方見急驚

十全大補湯

八珍湯加黃芪肉桂即四君四物二湯合用

抱龍丸

方見傷寒

四君子湯

方見內鈞

大承氣湯治剛痊胸滿內實口噤咬牙大熱



發渴大便秘澀

大黃

芒硝

各五錢

厚朴

一兩

枳實

葛根湯治太陽病項強几几惡風無汗及惡

寒剛瘕

葛根

四兩

麻黃

三錢

桂

一兩

右每服二錢水煎

夜啼

夜啼有二曰脾寒曰心熱也夜屬陰陰勝則脾臟之寒愈盛脾為至陰喜溫而惡寒寒則腹中作痛故曲腰而啼其候面青白手腹俱冷不思乳食是也亦曰胎寒用釣藤散若見燈愈啼者心熱也心屬火見燈則煩熱内生兩陽相搏故仰身而啼其候面赤手腹俱煖口中氣熱是也用導赤散若面色白黑睛少屬腎氣不足至夜陰虛而啼也宜用六味丸



若兼泄瀉不乳脾腎虛弱也用六神散若兼吐瀉少食脾胃虛寒也用六君炮薑木香大便不化食少腹脹脾氣虛弱也用異功散心血不足者秘旨安神丸木火相搏者柴胡梔子散肝血不足者地黄丸大抵此症或因吐瀉內亡津液或稟父腎陰不足不能滋養肝木或乳母恚怒肝火侮金當用六君子湯補脾土以生肺金地黃丸壯腎水以滋肝木若乳

母鬱悶而致者用加味歸脾湯乳母暴怒者加味小柴胡湯乳母心肝熱搏柴胡梔子散仍宜參客忤驚啼覽之

### 治驗

一小兒發熱夜啼乳食不進昏迷抽搐痰盛口噤此脾肺氣虛風木所乘痰食積於胸腹也先用大安丸後用六君鈞藤鈞而痊



一小兒三歲面白夜啼小便青而數此肺  
腎虛弱朝用補中益氣湯加肉桂一分夕  
用地黃丸而愈大凡小兒面色青黑睛少  
或解顛足熱者出痘多在腎經預用地黃  
丸補腎氣多得無恙者

一小兒二歲夜啼而色赤黑睛色淡小便  
頻赤朝用補中益氣湯加山藥五味夕用  
地黃丸而愈

龍齒散治拘哭肚疼驚熱

龍齒

蟬脫

釣藤鈎

羌活

茯苓

各等分

右為末每服一錢水煎服

碧雲散治渾身壯熱夜啼

栢葉

二分

南星

殭蠶

全蝎

鬱金

雄黃

各一錢

右為末每服一字用薄荷湯入蜜調服



六神散治腹痛面色青口中氣冷及四肢俱冷曲腰而啼或泄瀉不乳

人參

山藥

白朮

各五錢

甘草

炙二錢

茯苓

扁豆

炒各一兩

右為末每服二錢薑二片棗水煎一方有芍藥當歸人參各二錢五分甘草桔梗陳皮桂各一錢

愚按前症悉屬脾土虛寒元氣下陷本方

更加柴胡升麻升提元氣而補脾土為善  
神綠散

全蝎

去足翅不拘多少

青薄荷

焙乾

右為末每服半錢薄荷湯調下

無擇燈花散治心燥夜啼

燈花

三二顆

右研細用燈草煎湯調塗口中乳汁送下  
日三服一法用燈花塗乳上令兒吮之無



燈花用燈草燒灰辰砂少許亦妙或用燈  
花七枚鵬砂一字辰砂少許蜜調塗唇上  
立安

### 安神散治夜啼

蟬蛻四十九枚只用後半段  
截去前半段并去足翅

右為末分四服用釣藤鈎湯調下

### 人參黃連散治心經蘊熱夜啼

人參二錢半 黃連一錢半炒 甘草炙五分

竹葉二十片

右薑水煎服

### 太乙丹治睡驚夜啼青糞

桔梗一兩五錢 藿香葉五錢 川芎二分五錢

白芷三錢 白扁豆炒五錢

右為末煉蜜丸櫻桃大辰砂麝香為衣每  
服半丸薄荷湯磨下糞色青棗湯下夜啼  
燈心釣藤湯下加白朮茯苓白芍藥尤妙



地黄散治身熱口乾咳嗽心煩

生地黄兩半 麥門冬去心七錢 杏仁炮去皮尖

款冬花 陳皮各三錢 甘草炙二錢半

右為末每服二三錢水煎溫服

釣藤散 方見慢驚

導赤散 方見心臟

地黄丸 方見腎臟

六君子湯

五味異功散 二方見內鈞

秘旨安神丸 方見發搐即十味安神丸

柴胡梔子散 方見諸熱症即柴胡清肝散

加味歸脾湯 方見內鈞

小柴胡湯 方見瘧症

大安丸 即保和丸加白朮方見內鈞

補中益氣湯 方見虛羸

悲哭



悲哭者肺之聲淚者肝之液也若六脉弦緊者先以溫湯漬其身取汗次以涼膈散之類清其內熱此張子和治法如此若因乳母怒火遺熱於肝肝火炎熾反侮肺金木相擊故悲哭有聲者宜用六君柴胡山梔以補脾清肝用六味丸以壯水生木有因驚風過服祛風燥血之藥而致者有因吐瀉內亡津液而致者及稟父腎陰不足不能生肝者治各

審之若小兒忽然大叫作聲者不治此稟腎陰不足虛火炎上故也用六味丸多有生者仍參覽夜啼客忤驚啼重舌口瘡天鈞內鈞等症

### 治驗

一小兒每忽哭白睛多每悲面色赤余謂稟賦腎虛火妄動而然也用地黃丸半載後雖哭而面色不赤諸症皆愈



一週歲兒痰嗽哭不已用抱龍丸少止良久亦然余視其右頤潔白左腮青赤此肺肝二經相擊而作先用瀉白散祛肺邪次用柴胡梔子散平肝木後用地黃丸滋腎水而痊

一小兒瘈瘲啼叫額間青黑此驚風肝木乘脾腹中作痛也先用六君子湯加木香柴胡鈞藤鈎啼叫漸緩更加當歸又二劑而安

一小兒發熱夜啼乳食不進昏迷抽搐痰盛口噤脉紋如水字此脾肺氣虛風木所乘痰食積於胸腹也先用大安丸後用六君子加鈞藤鈎而痊

涼膈散 方見瘡瘍

防風通聖散 方見風症

六君子湯 方見內鈎



六味地黄丸

方見腎臟

抱龍丸

方見傷寒

瀉白散

方見肺臟

柴胡梔子散

方見發熱

大安丸

即保和丸加白朮方見內鈞

### 胎症

小兒胎症謂胎熱胎寒胎黃胎肥胎弱是也  
胎熱者初生旬日之間目閉色赤眼胞腫啼

叫驚煩壯熱溺黃此在胎中受熱及膏粱內  
蘊宜用清胃散之類胎寒者初生百日內或  
手足攣屈或口噤不開此在胎母過食生冷  
或感寒氣宜用五味異功散之類胎黃者體  
目俱黃小便秘澀不乳啼叫或腹膨泄瀉此  
在胎母過食炙煨辛辣致生濕熱宜用生地  
黃湯之類熱盛者瀉黃散之類胎肥者肌肉  
稟厚遍身血色彌月後漸瘦五心煩熱大便



六味地黄丸

方見腎臟

抱龍丸

方見傷寒

瀉白散

方見肺臟

柴胡梔子散

方見發熱

大安丸

即保和丸加白朮方見內鈞

### 胎症

小兒胎症謂胎熱胎寒胎黃胎肥胎弱是也  
胎熱者初生旬日之間目閉色赤眼胞腫啼

叫驚煩壯熱溺黃此在胎中受熱及膏粱內  
蘊宜用清胃散之類胎寒者初生百日內或  
手足攣屈或口噤不開此在胎母過食生冷  
或感寒氣宜用五味異功散之類胎黃者體  
目俱黃小便秘澀不乳啼叫或腹膨泄瀉此  
在胎母過食炙煨辛辣致生濕熱宜用生地  
黃湯之類熱盛者瀉黃散之類胎肥者肌肉  
稟厚遍身血色彌月後漸瘦五心煩熱大便



不利口吻流涎此受母胃熱所致也乳母服  
大連翹飲兒用浴體法以踈通其腠理胎弱  
者面無精光肌體瘦薄身無血色大便白水  
時時哽氣目無精神亦宜用浴體法  
消風散治諸風上攻頭目昏眩項背拘急肢  
體煩疼肌肉顫動耳若蟬鳴鼻塞多嚏皮  
膚頑麻瘙痒癩疹目澁昏困

白茯苓

芎藭

羌活

荆芥穗

防風

藿香葉

白僵蠶

炒去絲

蟬蛻

微炒

甘草

厚朴

去皮薑汁製

陳皮

炒

右為末每服半錢茶清或薄荷湯調下荆

芥湯亦可

生地黄湯治妊娠食酒麵五辛積熱小兒生

下遍體面目皆黃也乳母仍忌酒麵五辛

等物



生地黄

芍藥

川芎

當歸各等分

右每服五錢水煎產婦服仍滴兒口數滴

大連翹飲

方見噤風撮口

瀉黃散

方見脾臟

清胃散

異功散

二方見內鈞

浴體法

方見發搐

解顛顛填顛陷

錢仲陽云小兒解顛或久不合者因腎氣有虧腦髓不足故兒多愁少喜目睛多白而身瘦蓋人乏腦髓如木無根有數歲而成廢人者服錢氏地黄丸更用南星微炮為末米醋調傅緋帛烘熱貼之其栢子仁散三辛散封顛散俱効夫腎主骨腎氣實則腦髓充而顛早合骨脉盛而齒早生腎氣怯則腦髓虛而



顛不合此由父母精血不足宜用地黃丸補之若在乳下當兼補其母更以軟帛緊束其首使其易合皆虛火上衝當調補脾腎為善顛填顛陷亦因所稟腎氣不足及乳哺失宜脾胃虧損所致夫脾主肌肉氣逆上衝而為填脹元氣下陷而為顛陷也並用補中益氣湯地黃丸及用狗頭骨炙黃為末以鷄子清調敷顛門亦有瀉痢氣血虛脾胃不能上充

者亦用前法若手足並冷前湯加薑桂未應虛寒甚也急加附子緩則多致不救

### 治驗

一小兒顛解足軟兩膝漸大不能行履用六味地黃丸加鹿茸治之三月而起  
一小兒十四歲解顛自覺頭大視物昏大畏日羞明此稟賦腎氣怯弱用六味丸加鹿茸及補中益氣湯加山藥山茱萸半載



愈二載而顛合既婚之後仍覺顛門開解  
足心如炙喜其斷色慾薄滋味日服前藥  
二劑三載而愈後入房兩腿痿軟又教以  
服前丸守前戒而愈

一小兒年十四歲而近女色發熱吐痰至  
有室兩目羞明頭覺脹大仍不斷慾其頭  
漸大顛門忽開用地黃丸益氣湯之類斷  
色慾年餘而愈

一小兒年十三歲患前症內熱晡熱形體  
倦怠食少作渴用六味丸加鹿茸補之不  
越月而痊

一小兒吐瀉發熱顛陷作渴用七味白朮  
散母子並服而愈

一小兒久病發熱其顛或陷或填手足或  
溫或冷余用補中益氣湯加蔓荊子炮薑  
治之而安



一 小兒顛陷吐瀉手足並冷用白朮散加  
木香炮薑治之而愈後傷食腹痛手足復  
冷用六君炮薑治之更加昏憤口角流涎  
此脾胃虛寒之甚也急加附子遂愈  
一 小兒病後其顛或陷或填此脾胃虛熱  
也朝用補中益氣湯加蔓荊子炮薑木香  
治之而顛平但作瀉口乾用白朮散以生  
胃氣而愈

栢子仁散治顛門不合

防風

一兩半

栢子仁

一兩

右為末乳汁調塗顛門十日自合

三辛散治腦角骨大顛門不合

細辛

桂心

各半兩

乾薑

一錢

右為末乳汁調塗顛上乾時再塗

玉乳丹治解顛

鍾乳粉

如法製

熟地黃

自法製各半兩杵膏



栢子仁

研膏

當歸

各半兩

防風

補骨脂

各一錢

右各另為末入二膏加煉蜜丸黍米大每服一二十九煎茴香湯送下加黃芪茯苓

亦可

封顙散

方見發搐

地黄丸

方見腎臟

濟生當歸散

方見黃疸

### 目內症

經曰目者五臟六腑之精榮衛魂魄之所常營也神氣之所常主也又曰諸脉者皆屬於目目得血而能視五臟六腑精氣皆上注於目而為之精故白睛屬肺黑睛屬肝瞳人屬腎上下胞屬脾兩眦屬心而內眦又屬膀胱五臟五色各有所司心主赤赤甚心實熱也用導赤散赤微者心虛熱也用生犀散肝主



青青甚者肝熱也用瀉青丸淡青者肝虛也  
用地黃丸脾主黃黃甚者脾熱也用瀉黃散  
淡黃者脾虛也用異功散目無睛光及白睛  
多黑睛少者肝腎俱不足也用地黃丸加鹿  
茸晝視通明夜視罔見者因稟陽氣衰弱遇  
夜陰盛則陽愈衰故不能視也用中和養胃  
湯凡赤脉翳物從上而下者屬足太陽經用  
東垣選奇湯從下而上者屬足陽明經用局

方流氣飲蓋翳膜者風熱內蘊也邪氣未定  
謂之熱翳而浮於外邪氣已定謂之水翳而  
沈於內邪氣既深謂之陷翳宜升發之退翳  
之藥佐之若上眼皮下出黑白翳者屬太陽  
寒水從外至內者屬少陽風熱從下至上綠  
色者屬足陽明及肺腎合病也疳眼者因肝  
火濕熱上衝脾氣有虧不能上升清氣故生  
白翳睫閉不開眵淚如糊久而膿流遂至損



目用益氣聰明湯茯苓瀉濕湯及四味肥兒丸目閉不開者因乳食失節或過服寒涼之藥使陽氣下陷不能升舉故目不開用柴胡復生湯若胃氣虧損眼睫無力而不能開者用補中益氣湯暴赤腫痛者肝火熾盛也用龍膽瀉肝湯多淚羞明者肝心積熱也用生犀散亦有肝腎虛熱者用地黃丸風沿爛眼者膈有積熱也用清胃散時時作痒者膿潰

生蟲也用點藥紫蘇膏眼睫連劄者肝經風熱也用柴胡清肝散若生下目黃壯熱大小便秘結乳食不思面赤眼閉者皆由在胎時感母熱毒所致兒服瀉黃散母服地黃丸若乳母膏粱積熱致兒目黃者令母服清胃散若肢體面目爪甲皆黃小便如屋塵色者難治又有痘癩後餘毒未盡上侵於目者屬腎肝虛也用滋陰腎氣丸前症多宜審治其母



兼調其兒厥有未盡悉詳原機啓微集中宜  
叅考之

治驗

一女子年十四因恚怒先月經不行寒熱  
脇痛後兩目生翳青綠色從外至內余謂  
寒熱脇痛足厥陰之症也翳從外眥起足  
少陽之症也左關脉弦數按之而瀉肝經  
風熱兼血滯也遂以加味道遙散加防風

龍膽草四服而寒熱脇痛頓減用六味丸  
月餘而翳消

一小兒十五歲兩目白翳腹膈遍身似疥  
非疥晡熱口乾形體骨立此肝疢之症也  
用六味肥兒丸而痊後陰莖作痒小便澄  
白瘡疥益熾狀如大風用大蘆薈四味肥  
兒丸諸症漸愈又用大蕪荑湯而痊  
一小兒白睛多吐痰發搐先用抑青丸四



服而痰搐止後用地黃九年許而黑睛多  
一小兒白睛多三歲不能行語聲不暢兩  
足非熱則冷大便不實朝用補中益氣湯  
加五味子乾山藥以補脾肺夕用地黃丸  
加五味子牛膝鹿茸補肝腎不三月而瘡  
一小兒眼白腿軟兩足熱面似愁容服地  
黃丸兩月餘漸健服年餘白睛漸黑出痘  
無恙

一小兒雀盲眼劄服煮肝丸而目明服四  
味肥兒丸而目不劄

一小兒目無光芒視物不了了飲食少思  
大便不調服大蕪荑湯九味蘆薈丸而愈  
後飲食停滯妄用消導尅伐之劑目症仍  
作至晚尤甚用人參補胃湯漸愈又用五  
味異功散四味肥兒丸而痊

一小兒九歲素有肝火兩目生翳服蘆薈



肥兒等丸隨愈至十四歲後遇用心過度  
飲食不節即夜視不明用補中益氣湯人  
參補胃湯四味肥兒丸而愈

一小兒眼胞微腫欬嗽惡心小便淋白余  
謂脾疳食積以五味異功散為主佐以四  
味肥兒丸而愈後不節飲食夜視不明余  
曰此脾胃復傷須補養為主不信乃服峻  
厲之劑後變風症竟不起

一小兒因發熱表散出汗眼赤發搐審其  
母素有肝火發熱以異功散加柴胡升麻  
子母並服稍愈又用加味道遙散其熱頓  
退繼用補中益氣湯六味地黄丸母子尋  
瘥

一小兒目赤作痛咬牙寒熱余謂肝經風  
熱用柴胡飲子一劑而赤痛止又用四物  
參芪白朮柴胡而寒熱退又用補中益氣



湯而飲食加

一小兒眼素白或青患眼赤作痛服降火之劑眼如血貫脉洪大或浮緩按之皆微細用十全大補湯加柴胡山梔數劑外症漸退而脉漸斂又數劑而愈

一小兒停食腹痛服巴豆之藥更加目赤作痛寒熱往來飲食少思手足並冷余用六君升麻炮薑諸症頓愈惟寒熱未已用

四君升麻柴胡而安

一小兒眼赤痛服大黃之藥更加寒熱如瘡余謂脾胃復傷用四君升麻柴胡炮薑鈞藤鈎而寒熱愈又用補中益氣湯間服而目疾痊

一小兒因乳母恚怒患發熱等症兒患目痛兼作嘔吐先用小柴胡湯子母俱服頓安但兒晡熱仍嘔以異功散加升麻柴胡



治之瘥

一小兒生下目黃三日面赤黃一小兒旬  
日內目黃而漸至遍身此二者胎稟胃熱  
各用瀉黃散一服皆愈

一小兒旬日面目青黃此胃熱胎黃也用  
瀉黃散以乳調服少許即愈後復身黃吐  
舌仍用前散而安

一小兒患目黃知其乳母食鬱身黃所致

以越鞠丸治母瀉黃散治子並愈

一小兒面青寒熱形氣瘦弱眼目生翳用  
九味蘆薈丸五味異功散目翳漸退乃以  
四味肥兒丸五味異功散而肌肉生

一小兒眼每生翳皆因乳母恚怒而作用  
九味蘆薈丸柴胡梔子散母子服之並愈  
一小兒乳哺失節服藥過劑腹脹少食大  
便不調兩眼生花服治眼之藥漸生浮翳



余用異功散加當歸柴胡飲食漸進便利  
漸調少佐以九味蘆薈丸其眼漸明乃用  
人參補胃湯肥兒丸而痊

一小兒未週歲目內有翳余謂此稟母肝  
火所致詢其母果素多恚怒見患癩瘰目  
疾自乳其子余用地黃丸治之其母稍愈  
後彼無此藥其子遂瞽

一小兒十二歲傷寒咳嗽發熱服發散之

藥目漸不明服降火等藥飲食日少目漸  
生翳余謂中氣虛用人參補胃湯飲食漸  
進又用千金補肝丸及薰眼之法而痊  
一女子十二歲目生白翳面黃浮腫口乾  
便泄用四味肥兒丸而痊

一小兒目羞明癢澁兩足發熱大便不實  
食少時咳仍欲治肝祛風余曰兩足發熱  
小便不調腎肝虛也大便不實食少時咳



脾肺虛也朝用補中益氣湯夕用六味地黃丸元氣漸復乃佐以四味肥兒丸又月餘而痊

一小兒目痛恪服瀉火治肝之藥反加羞明癔澁睡中驚悸悲啼此肝經血虛火動傷肺也用五味異功散加山梔補脾肺清肺金用地黃丸滋腎水生肝血而安乃兼服四味肥兒丸而痊

一小兒目青發搐直視叫哭或用牛黃清心丸加咬牙煩悶小便自遺余謂肝經血氣虛甚也用補中益氣湯及六味地黃丸而痊

一小兒發搐目劄屬肝膽經風熱先用柴胡清肝散治其肝後用地黃丸補其腎而愈

一小兒目痛兼痒因膏梁積熱仍口渴飲



冷便秘先用瀉青丸疎導肝火更用清胃散煎熟磨生犀角服之以解食毒又用四味肥兒丸以治肝症而瘥

一小兒目疾久不愈用大蕪荑湯五劑蟾蜍丸數服又用四味肥兒丸而愈

一小兒十四歲用功勞苦半載後自汗盜汗形體殊倦朝用補中益氣湯加五味子蔓荊子夕用十全大補湯尋愈婢姻後因

唾痰頭暈恪服清痰理氣之藥忽目不能開余用地黃丸十全大補湯三月餘而痊吳江史萬湖之孫自乳兒時患目疾年二十目劓頭搖用金匱腎氣丸愈而復作兩目生翳用聰明益氣湯并前丸既愈而復發形體消瘦脉數洪大用補中益氣湯及前丸而瘥

一小兒因驚眼劓或搐先用加味小柴胡



湯加蕪荑黃連以清肝熱又用地黃丸以滋腎生肝而痊

一小兒兩目連劄或色赤或時拭眉此肝經風熱欲作肝疳也用四味肥兒丸加龍膽草而痊

一小兒白睛多吐痰發搐用地黃丸為主佐以邛青丸而搐止後用世傳方地黃丸而黑睛多

一女子十四歲兩目作痛或發痒或頭暈或頭痛或兩脇作痛或寒熱內熱口渴少食經候不調此肝脾二經氣血虛而有熱也用補中益氣湯柴胡清肝散而愈後左眉上結一核如豆許漸大如栗腐而作痛此肝經火燥而血病也用加味逍遙散月餘腐肉自脫乃用八珍湯及前藥而愈

一小兒十三歲目久痛漸生青綠翳後赤



爛左關脉弦數用九味蘆薈丸加味道遙散而愈婢姻後復發用滋陰腎氣丸為主佐以加味道遙散而痊

一小兒十五歲因大勞目赤作痛發熱作渴脉洪大而虛用八珍湯加炒黑山梔一劑諸症頓退又用補中益氣湯而痊後因夢遺目仍赤痛用六味地黄丸料加五味子二劑而痛止又三十餘劑而復明

生犀散治心經虛熱

生犀

取末二錢

地骨皮

赤芍藥

柴胡

乾葛

各一兩

甘草

半兩

右每服二錢水煎

生熟地黄散治眼初患之時因誤築到蹙肝受驚風致目腫赤痛痒

生地黄

洗

熟地黄

各一兩

麥門冬

半兩

當歸

枳殼

米泔浸炒

甘草

炙



防風

杏仁

湯泡去皮尖  
用麩炒赤色

赤芍藥

各二錢  
五分

右每服一錢黑豆七粒水煎

犀角飲治脾火眼疼

犀角

一兩

射干

草龍膽

炒

黃芩

炒各半兩

人參

二兩

茯苓

二錢五分

釣藤鈎

七錢半

甘草

三錢

右每服一錢水煎

牛黃丸治肝受驚遂致患目

牛黃

白附子

肉桂

全蝎

芎藭

石膏

各二錢半

白芷

藿香

各半兩

辰砂

麝香

各少許

右各另為末煉蜜丸桐子大每服三九臨

卧薄荷湯化下乳母亦忌熱物之類

世傳方地黃丸治腎虛目睛多



鹿茸半兩

澤瀉

茯苓

山茱萸

熟地黄

牡丹皮

牛膝各一兩

右為末蜜丸桐子大每服二十九鹽湯下

羅氏煮肝丸治疳眼翳瘻羞明大人雀目甚

効

夜明砂

青蛤粉

穀精草各一兩

右為末每服二錢以猪肝批開攤藥在內

麻纏定米泔水半碗煮肝熟取出湯傾碗

內薰眼候湯温分肝三服嚼喫就用肝湯

下一日二服

龍膽飲子治疳眼流膿生翳此濕熱為病

青蛤粉半兩

羌活

草龍膽各三錢

黃芩炒二錢

蛇蛻五分

麻黃二錢五分

穀精草五分

右為末每服二錢茶清調下



東垣人參補胃湯治勞役飲食不節內障眼痛神効

黃芪根

人參各一兩

甘草炙八錢

蔓荊子

一錢

白芍藥炒

黃柏

各三錢酒拌炒四次

右每服二三錢水煎稍熱服臨卧三五服

千金治雀盲

地膚子

五兩

决明子

一升

右為末以米飲和丸每服二三十丸

世傳治雀目

蒼朮

四兩米泔浸切片四兩焙

右為末猪肝二兩批開摻藥在內用麻繫

定粟米一合水一碗砂鍋內煮熟薰眼候

温臨卧每服三錢大効

聖惠治雀目不計時月用蒼朮一兩為末每

服一錢

本事治小兒赤熱腫眼



大黃

白礬

各等分

右為末冷水調作餅子貼眼立効

東垣廣大重明湯治兩臉或兩背赤爛熱腫  
疼痛及眼胞痒極抓之至破爛赤腫眼楞  
生瘡痂目多眵淚隱澁難開

草龍膽

防風

生甘草根

細辛苗葉

各一錢

右水一碗半煎龍膽至七分入餘藥再煎

至半碗熱洗日五七次洗畢合眼須臾瘥  
東垣助陽和血補氣湯治發後熱壅白睛紅  
多眵淚隱澁此過服涼藥而真氣不能通  
九竅也

防風

七分

黃芪

一錢

蔓荊子

二分

白芷

二分

升麻

七分

甘草

炙

柴胡

當歸身

酒洗各五分

潔古治眼赤暴發腫



防風

羌活

黃芩

炒

黃連

炒各等分

右每服一錢水煎服如大便秘加大黃二分痛甚加川歸地黃各二分煩躁不得卧加梔子仁三分

保命點眼藥除昏退翳截赤定痛

當歸

黃連

各二錢

防風

一錢五分

細辛

五分

甘草

一錢

右水一大碗文武火熬滴水不為度入熟蜜少許點用

千金補肝散治目失明

青羊肝

一具去膜薄切以新瓦炙乾

決明子

蓼香

一合熬令香

右為末每服方寸七日二服又有驗

本事治太陽寒水陷翳膜遮睛

防風

白蒺藜

各一兩

羌活

一兩半



甘菊

三兩

右為末每服二錢入鹽少許百沸湯點服  
保命羚羊角散治水翳久不去

羚羊角

升麻

細辛

各等分

甘草

減半

右為末一半蜜丸桐子大每服五七十九  
一半泔水煎吞送九子煖發陷翳亦羚羊  
角散之類用之在人消息若陰虛有熱者

### 兼服神仙退雲丸

東垣補陽湯治陽不勝其陰乃陰盛陽虛則  
九竅不通今青白翳見於大眦乃足太陽  
少陰經中鬱遏厥陰肝經之陽氣不得上  
通於目故青翳內阻也當於太陽少陰經  
中是九泉之下以益肝中陽氣衝天上行  
此乃先補其陽後於足太陰標中瀉足厥  
陰之火下伏於陽中內經曰陰盛陽虛則



當先補其陽後瀉其陰每日空心服升陽湯臨卧服瀉陰丸須預期調養體氣和平天氣晴明服之補其陽使上升通於肝經之末利空竅於目矣

羌活

獨活

當歸身

酒洗焙乾

甘草稍

熟地黄

人參

黃芪

白朮

澤瀉

橘紅各半兩

生地黄炒

白茯苓

知母

炒黃色各三錢

柴胡

兩二

防風

白芍藥

各半兩

肉桂

錢一

右每服半兩水煎空心服候藥力行盡方可飲食

東垣羌活退翳湯

柴胡

甘草

黃芪

各三錢

羌活

黃連

五味子

升麻

當歸身

各二錢

防風

一分錢



黃芩

黃栢

酒浸

芍藥

草龍膽

酒洗各五錢

石膏

二錢五分

右分二服水煎入酒少許臨卧熱服忌言語

謙甫五秀重明丸治眼翳膜遮睛隱澁昏花

常服清利頭目

甘菊花

五百箇

荆芥

五百穗

木賊

去節五百根

楮實

五百枝

右為末蜜丸桐子大每服五十九丸白湯

下化

冲和養胃湯治内障初起視覺微昏空中有

黑花神水變淡綠色次則視岐覩則成二

神水變淡白色久則不覩神水變純白

柴胡 七錢

人參

當歸

炙草

乾生薑

升麻

葛根

白朮

羌活

各一兩

防風

黃耆

一兩半

白茯苓

三錢



白芍藥 六錢 五味子 二錢

右每服二錢水煎

滋陰腎氣丸治神水寬大漸散昏如霧露中行漸覩空中有黑花視物二體久則光不收及內障神水淡白色者

熟地黄 三兩 歸尾

牡丹皮

五味子

乾山藥

柴胡 各五錢

茯苓

澤瀉 各二錢半

生地 酒炒四兩

右為末蜜丸桐子大辰砂為衣每服十九空心滾湯化下

瀉熱黃連湯治內障有眵淚眊燥

黃芩

黃連

生地黄 並酒洗

柴胡

各一兩

升麻

五錢

龍膽草

三錢

右每服一錢水煎午前服

柴胡復生湯治紅赤羞明淚多眊少腦頂沉重睛珠痛應太陽眼睫無力常欲垂閉久



視則酸疼翳陷下者

藁本

蔓荆子

川芎

羌活

獨活

白芷

各二分半

白芍藥炒

甘草炙

薄荷

桔梗各四分

蒼朮

茯苓

黃芩炒各五分

柴胡六分

五味子十二粒杵

右每服二錢水煎食後服

黃連羊肝丸治目中赤脉洪甚眇

黃連為末

白羯羊肝一具

先以羊肝竹刀刮下如糊除去筋膜再搗

細入黃連丸桐子大每服十九茶清化下

茯苓燥濕湯治小兒易饑而渴腹脹生瘡目

痛生翳不開眇淚如膿俗謂疳毒眼

白朮

人參

甘草炙

枳殼麩炒

茯苓

蔓荆子

薄荷各二分

蒼朮

前胡



獨活 各三分

川芎

羌活 各三分

柴胡 四分

澤瀉 一分

右每服二錢水煎

局方菊睛丸治脾腎不足眼花昏暗

枸杞子

菴蓉 酒浸炒

巴戟 去心各一兩

甘菊花 四兩

右為末蜜丸梧子大每服十九空心白湯

化下

抑青丸 方見驚啼

加味道遙散 方見內釣

大蕪荑湯 方見疝症

九味蘆薈丸 方見諸症

異功散 方見內釣

小柴胡湯 方見瘕症

柴胡梔子散 方見發熱

蟾蜍丸 方見諸疝



耳症八

耳者心腎之竅肝膽之經也心腎主內症精血不足肝膽主外症風熱有餘或聾聵或虛鳴者稟賦虛也或脹痛或膿痒者邪氣客也稟賦不足宜用六味地黄丸肝經風熱宜用柴胡清肝散若因血燥用梔子清肝散未應佐以六味丸間服九味蘆薈丸若因腎肝疰熱朝用六味丸夕用蘆薈丸若因食積內熱

用四味肥兒丸若因乳母膏粱積熱而致者宜加味清胃散脾經鬱結而致者加味歸脾湯肝經怒火而致者加味道遙散皆令乳母服之兼與其兒少許不可專於治外不惟閉塞耳竅抑亦變生他症延留日久遂成終身之聾矣慎之

治驗

一小兒耳內出膿穢不可近連年不愈口



渴足熱或面色微黑余謂腎痺症也用六味地黄丸令母服加味道遙散而愈後因別服伐肝之藥耳症復作寒熱面青小便頻數此肝火血燥也用柴胡梔子散以清肝六味地黄丸以滋腎遂痊

一小兒耳內出膿久不愈視其母兩臉青黃屬乳母鬱怒致之也遂朝用加味歸脾湯夕用加味道遙散母子皆愈

一小兒十二歲素虛羸耳出膿水或痒或痛至十四稍加用心即發熱倦怠兩腿乏力八年矣用補中益氣湯及六味地黄丸稍愈畢姻後朝寒暮熱形氣倦怠兩足心熱氣喘唾痰仍用前二藥佐以六君子湯而愈因後不守禁忌惡寒發熱頭暈唾痰余謂腎虛不能攝水而似痰清氣不能上升而頭暈陽氣不能護守肌膚而寒熱遂



用補中益氣湯加蔓子附子一錢四劑不  
應遂用人參一兩附子一錢二劑而應乃  
用十全大補湯百餘劑而痊又因大勞入  
房喉瘖痰湧兩腿不遂用地黃飲子頓愈  
仍用十全大補湯而安後又起居失宜朝  
寒暮熱四肢逆冷氣短痰盛兩寸脉短用  
十全大補湯加附子一錢數劑而愈乃去  
附子用人參三錢常服始安

一小兒耳中流膿項中結核眼目或劓或  
赤痛小便或痒或赤澀皆肝膽經風熱之  
症也用四味肥兒丸悉愈

一小兒因乳母恚怒兼經行之後多食炙  
煇兒遂耳內作痛出膿余先用加味小柴  
胡湯次用加味道遙散令其母服之子母  
並愈

一小兒耳出穢水屬肝腎不足先用九味



盧薈丸而痊畢姻後面黃發熱多病又用  
黃栢知母等藥更胸膈痞滿飲食少思痰  
涎上壅又利氣化痰加噫氣下氣余用六  
君子補中益氣二湯乾薑木香等味治之  
尋愈

田氏紅玉散治小兒聾耳

枯礬

麝香

乾胭脂

各等分

右為末研勻先以綿杖子撚膿淨摻入少

許

湯氏龍黃散治如前

枯礬

龍骨

黃丹

各半兩

麝香

一錢

右製法同前

愚按前二方可以治腑症之輕者若係肝  
經風熱血燥等症必依前方論內服合宜  
之藥外用此以收膿濕亦無不可若專泥



外攻而失內治謬矣

六味地黄丸 方見腎臟

柴胡清肝散

梔子清肝散 二方見熱症

九味蘆薈丸 方見諸症

四味肥兒丸 方見嘔吐

加味清胃散

加味歸脾湯

加味道遙散

六君子湯

四君子湯 五方並見內鈞

柴胡梔子散 方見發熱

加味小柴胡湯

地黄丸 方見腎臟

七味白朮散 方見積痛

補中益氣湯 方見虛羸



二陳湯

方見寒吐

### 鼻塞鼻衄

巢氏云鼻乃肺之竅皮毛腠理乃肺所主此因風邪客於肺而鼻塞不利者宜用消風散或用葱白七莖入油膩粉少許搗攤絹帛上掌中護溫貼顙門因驚仆氣散血無所羈而鼻衄者用異功散加柴胡山梔左臉青而兼赤者先用柴胡清肝散後用地黃丸右臉赤

乃肺大腸實熱也用瀉白散鼻色赤乃脾胃實熱也用瀉黃散微赤乃脾經虛熱也用異功散加升麻柴胡色深黃用濟生犀角地黃湯後用楊氏地黃丸淡白色用六君子湯頰間色赤用四物湯加山梔赤甚用五淋散小便赤色用六味丸補中益氣湯唇色白用六君子湯久不愈用麥門冬飲子若初病元氣未虧乳食如常發熱壯熱二便秘結作渴飲



水卧不露睛者悉屬形病俱實當治邪氣若  
病久元氣已虧食少發熱口乾飲湯嘔吐泄  
瀉肢體畏寒卧而露睛者悉屬形病俱虛當  
補正氣為要

治驗

一小兒咳嗽惡心鼻塞流涕右腮青白此  
乃脾肺氣虛而外邪所乘也先用惺惺散  
咳嗽頓愈但飲食不思手足指冷用六君

子少加升麻一劑而痊

一小兒潮熱鼻衄煩渴便秘氣促咳嗽右  
腮色赤此肺與大腸有熱也用柴胡飲子  
一服諸症頓退後因驚復作微搐煩悶此  
肝脾氣血虛也用四君子加芎歸鈞藤鈞  
而愈

一小兒遍身生疥竅鼻出血因肝脾有熱  
用四味肥兒丸而愈後食炙煨鼻血復出



瘡疥復發先用清胃散二劑又用四味肥兒丸月餘而瘡

一小兒鼻衄滯頤作渴時汗乃胃經實熱也先用瀉黃散二服而滯頤止又用四味肥兒丸數服而鼻血愈後鼻不時作痒發渴便血用聖濟犀角地黄湯四劑母子並服別令兒更服四味肥兒丸月餘而愈

一小兒鼻衄發熱作渴右頤色青余謂肝

火乘脾先用加味道遙散母子並服熱渴漸止另用五味異功散少加柴胡升麻與子服之而愈

一小兒鼻衄服止血之劑反見便血右頤色黃或赤此脾氣虛熱不能統血也用補中益氣湯又用五味異功散加柴胡升麻而愈

一小兒鼻衄久不愈四肢倦怠飲食少思



惡風寒此脾肺虛也先用五味異功散而  
鼻血止又用補中益氣湯而不畏風寒繼  
用四君少加柴胡升麻而全愈

一小兒鼻衄兩頰赤余謂稟賦腎氣不足  
虛火上炎也不信別服清熱涼血之藥病  
益甚余用地黃丸果効畢姻後虛症悉至  
用八珍湯地黃丸料尋愈

一小兒鼻衄作渴喘嗽面赤此心火刑肺

金也用人參平肺散及地黃丸料加五味  
子麥門冬煎服而痊

楊氏地黃散治榮中有熱肺壅鼻衄

生地黃 赤芍藥 當歸身

川芎 各等分

右每服二三錢水煎熟入蒲黃少許春夏  
衄入地黃汁蒲黃各少許秋冬衄用車前  
草汁少許



麥門冬飲子治吐血久不愈者

五味子十粒

麥門冬去心黃芪各一錢

當歸身

人參

生地黄各五分

右水煎服

補中益氣湯方見虛羸

清胃散

異功散二方見內鈞即五味異功散

人參平肺散方見咳嗽

柴胡清肝散方見熱症

瀉白散方見肺臟

瀉黃散方見脾臟

犀角地黄湯即聖濟犀角地黄湯方見便血臟血

五淋散方見五淋

四君子湯

加味逍遙散二方見內鈞

八珍湯即四君四物二湯合服也四君見天鈞四物見急驚



四物湯 方見急驚

惺惺散

柴胡飲子 二方見熱症

四味肥兒丸 方見嘔吐

六味地黄丸 方見腎臟

龜胸龜背

仲陽云龜胸者肺熱脹滿攻於胸膈或乳母多食五辛及兒食宿乳而成當用龜胸丸或

松蓋丹百合丹之類治之龜背者令兒早坐

因客風吹脊入於骨髓所致以龜尿點背間

骨節 取龜尿之法當置龜於荷葉上候又法

當灸肺俞穴 在第三椎骨下兩心俞穴

骨下兩傍各開一寸五分 膈俞穴 在第七椎骨下兩

如小豆大灸三五壯此多因小兒元氣未充

腠理不密風邪所乘或痰飲蘊結風熱交攻

而致法當調補脾肺為主而以清熱消痰佐



之若因乳母膏梁厚味者當以清胃散治其  
母子亦服少許

龜胸丸

大黃一錢 煨

天門冬去心 焙 百合

杏仁炒 麩

木通

枳殼炒 麩

桑白皮炙 蜜

甜葶藶炒

朴硝各半 兩

右為末煉蜜丸芡實大每服一九溫水食  
後化下

枳殼防風丸

枳殼炒 麩

防風

獨活

大黃煨

前胡

當歸酒洗

麻黃去節各 一錢

右為末麩糊丸黍米大每服十九食後米  
湯下

松蓋丹治龜背

花松

枳殼

防風



獨活各一兩

麻黃

大黃

前胡

桂心各半兩

右為末蜜丸黍米大每服數丸粥飲下量  
兒加減新增

百合丹治龜胸背

百合一兩

木通

朴硝

桑白皮蜜炙

杏仁去皮尖炒  
雙仁不用

大黃煨

天門冬各半兩

右為末煉蜜丸菉豆大每服十九食前温  
酒化服

保嬰撮要卷之四終